

xviii 6 7 54610 5 ✓ 9  
DISPUTATIO MEDICA  
INAUGURALIS  
DE  
MENSTRUORUM  
SUPPRESSIONE,

QUAM

FAVENTE DEO TER OPT. MAX.

*Ex Auctoritate Magnifici D. Rectoris,*

D. GODEFRIDI BIDLOO, Med. Doct. Anat. &  
Colleg. Pract. in Acad. Lugd. Bat. Profess. Ordin.  
ut & Colleg. Chir. ejusd. Civit. Præsidis,

NEC NON

*Amplissimi Senatûs Academici Consensu, & Almæ  
Facultatis MEDICÆ Decreto,*

PRO GRADU DOCTORATUS,

Summisque in Medicina Honoribus, & Privilegiis  
ritè ac legitimè consequendis,

NICOLAUS BIDLOO, AMSTELO-BATAV.

*Publico examini subjicit,*

*Ad diem 17. Januarii, loco horâque solitis.*



LUGDUNI BATAVORUM,  
Apud ABRAHAMUM ELZEVIER,  
Academiæ Typographum. MDCXCVII.

1922  
The Wellcome Institute  
Library  
1922

THE WELLCOME INSTITUTE  
LIBRARY

1922

THE WELLCOME INSTITUTE  
LIBRARY

sublo



THE WELLCOME INSTITUTE  
LIBRARY

THE WELLCOME INSTITUTE  
LIBRARY





*Patri Venerando*

LAMBERTO BIDLOO,

Collegii Medici Amsteloda-  
mensis Membro,

*Patruo Reverendo*

GODEFRIDO BIDLOO,

Academiæ Lugduno-Batavæ  
H. T. Reſtori Magnifico;

E T  
PETRO BERNAGIE,

Medicinæ Professori in Athe-  
næo Amstelodamensi di-  
gnissimo,

*Has Theses Inaugurales, in debiti  
Amoris, Reverentiæ & Obser-  
vantiaë tesseram,*

D. D.

NICOLAUS BIDLOO,

*Auctor.*

---





DISPUTATIO MEDICA  
INAUGURALIS  
DE  
MENSTRUORUM  
SUPPRESSIONE.



nter Morbos, foemineum, ultra  
virilem, affligentes sexum, me-  
rito *Menstruorum* recensetur *sup-*  
*pressio*, quæ, ut fræquens, pluri-  
morum ita gravissimorum cau-  
sa est & scaturigo symptomatum.



# T H E S I S I.



ic affectus Hippocrati dicitur *Ἀπόιη*, ut *non fluxus*: α enim Græcis vocabulo præfixum, idem quod Latinis *in*, sc. privativum. plura addere Græcæ nica synonyma per gramaticam exponenda analysin, supersedeo. Vox hæc in genere omnibus intra & extra corpus humanum competeret impeditis fluxibus, Medicis vero, speciatim & per excellentiam, *Menstruorum* muliebrium indigitat *Defectum*. Quem Fluxum aliis etiam insigniri videmus nominibus; dicuntur enim Lunares purgationes, Flores virginei &c. quorum etymologiam & epithetorum convenientiam hic explicare non lubet, ut quod in plurimis ipsam Definitionem vel causas involveret.

## I I.

Est igitur *Suppressio Menstruorum* Cessatio, seu Abolitio fluxus sanguinei, per Uteri vaginam maturæ, non gravidæ, nec lactantis, aut effætæ, erumpentis; Menstruis periodis, h. e. lunaribus quatuor circiter hebdomadarum mensibus, qui eo nomine à Nostratibus, recte *Maand*- seu potius *Maan-stonden* appellatur.

## I I I.

Hujus autem Cessantis *menstrui fluxus*, antequam ad signa & causas me accingam, Uteri ipsius Anatomicen describere, & quædam de sano perfectoque ejus statu prælibare, necessarium duxi summopere: luculentius quoad *retentionis* pateant causæ.

## IV. U-



## I V.

Uteri structuram quod attinet, hanc strictè modo, & ad meum sufficientem scopum, designabo, perfecta enim, aut, pro variis Auctoribus, varia descriptio, *Disputationis* terminos ad volumen extenderet. Uterus itaque in foemineo situs imo ventre, pelvim occupat foetu concepto commodum complicandi, eoque excluso, corrugandi relinquens spatium. Duplici gaudet Tunica, omnisque generis Vasis:

## V.

Arterias & Venas, sese invicem concomitantes, à Spermatico & hypogastrico sortitur Ramo. Notandum hæc vasa serpentino ductu per Uterum dispergi; gestationis tempore, quantum unà cum illo extensa, à ruptionis periculo immunia. Nervos ab Ossis Sacri paribus, & Cerebri sexta obtinet Conjugatione; unde ille luculentissimus Cerebrum inter & Uterum exploratus consensus.

## V I.

Succinctiore hac Uteri expeditâ Anatome, ad Physicas *Menstruæ Evacuationis* causas me confero; quæ Antiquis fermè omnibus, Recentioribusque non paucis Lunæ Influxus, seu liquida movendi, statuitur virtus; triviale juxta illud; *Luna vetus vetores, juvenes nova luna repurgat.* Commentum (qua auctoritate nescio) ab Maris in flumina æstu, novi- & plenilunio, impulso, ut Apodicticum quamplurimis, nobis vix inter Problematica.

## V I I.

Alii *Menstruorum* causam fermento cuidam tribuendo, egregium aliquod præstitisse facinus, novum-



vumque lumen densissimis in tenebris accendisse putant; ât interiore hâc examinata & perpensa scrutiny, pro rebus verba dant. Unde enim, ubi, quando, qua particularum Segregatione & Colluctatione, quo in alveo, qua Vasorum tum temporis, præ alio, dispositione illa suscitatur fermentatio, â nemine quod sciam, hætenus demonstrative probatum.

## V I I I.

Adeo ut deridendo Antiquorum Occultas Qualitates, ad magis absconditos nos remittant conceptuum abyssos : Urgeat aliquis, num ergo Occultas admittam Qualitates? Resp. mille millena mihi non innotescere, atque adeo, hoc nomine, occulta esse; illo tamen titulo rem quandam doceri posse, renuo.

## I X.

Nos autem hac de re quid sentimus, paucis habemus. Primitivam Menstruorum motus causam Divinæ tribuimus Providentiæ, naturæ inscriptæ legibus, ad generis humani conservationem. Sed heus! clamitabit quispiam, ignorantia testimonium: confiteor candidè, omniscientiam Dei, ad Universi singulariumque Creaturarum sustentationis causas, me nescire;

## X.

Subordinatas vero ab effectis derivare & ad probabiles colligere posse Evidentias, multum mihi: quantum præsumant, quicquid supponant alii, se ad rerum primordia, per analysin Formarum & Figurarum penetrasse Mechanicamque inde corporis humani æconomiam, ut Automa, demonstrare posse.

## X I.



## X I.

Speciosum modo illud, *subjecti dispositionem*, admittamus, quæ tamen Antiquorum præter Vim, Virtutem, vel Facultatem operantem seu motricem, nil explicant magis perceptibile; Heroicam Fabulam (Roman) pro veris naturæ substituere conantes miraculis. Hanc in Scenam, ut Deus è machina, quondam profiliit Archeus, spiritus insitus, impulsivus, Magneticis, attractivis, coelestibus imprægnatus virtutibus: qui, & Vicenuminis instar, totum gubernat & dirigit Universum, per quem omnium Uteri morborum satagunt explicare Causas.

## X I I.

Frustra profecto ad Occultam Philosophiam (nullo existens Phantasma) Fermentum, Particularum Figuras, Sulphur, Alkali & Acidum refugere, quum simplici & clarissima demonstratione, nullis Medicinæ aut Anatomies imbuto rudimentis, conspiciere detur. Magis itaque vicina *Menstruæ Evacuationis* causa est, repletio Vasorum sanguiferorum per Uteri corpus disperforum, quæ, pedetentim ab affluente extensa sanguine, negatoque naturaliter retrocessu, eorum extremitates, in Utero ejusque Collo desinentes, reddit ampliores, donec, impulsu magis magisque turgidæ, tandem per oscula molestum deponunt onus, ut Venerandus Patruus meus experimento ostendit irrefragabili.

## X I I I.

Quâ peracta Evacuatione, hæc Vasorum Oscula, defectu affluentis sanguinis collabentia, subsident, ut in Tubis Fallopiianis, officio non fungentibus, conspicitur.



## X I V.

De Ufu *Menstrui* sanguinis ad Fætum destinati, ille, an sit nutritivus, vel solummodo pro fomento, aut humectatione inserviat, sive alio quopiam modo distribuatur, nostræ *Disputationi*, nec huic dicatum tempori;

## X V.

Unicum tamen hoc placuit superaddere, *Menstrua* muliebria in fanis non esse Contagiosa, multo minus, ut multorum fuit opinio, adeo venenosa, ut Solis, vel Lunæ Eclypseos, aut Conjunctionis tempore, si menstruata se vir commisceat, inde pestem oriri: imo quibuscunque *Menstruis* tantum adeoque lethale inesse virus, ut inde flores, segetes, vites quin etiam arefiant, Apes alviariis effugiant, & (proh Deum at hominum fidem!) cantharides, scarabæi, omniaque insecta ad menstruata præsentiam, ut fulmine tacta, enecentur, jumenta gravida ejus manu tacta abortiant, denique virgineos menses tam potens asserere ausi venenum, ut virulentum ejus contagium igne absumi nequeat.

## X V I.

Ejusdem farinæ, seu furfuris potius, statuimus è *Menstruo* sanguine confecta Philtra, Amuleta siderum Characteribus insignita, & Pharmaca, adeo ut vix Panaceam, venenum, seu Præstigiatorium Magicumque potuerit somniare Theophrastus Paracelsus, quin muliebris hæc evacuatio omnibus sufficere videatur.

## X V I I.

Simili ex fabularum nugarumque officina forte ad  
nos



nos dimanavit muliercularum non solumodo, sed & virorum alias haud imperitorum, tam seria admonitio, ne Menstruatæ carnibus sale condiendis intersint, quini-  
mo (si Diis placet) ne oris halitu specula fædis inficiant maculis, ut virulentiores Viperis, & Aspidibus! Absint procul hinc tam nefanda innocuo sexui opprobria; & si horum quippiam in Capadocibus mulieribus, famosive scortis Laide aut Elephantide alicui credere fas videtur, nos Nostratibus de meliore luto fictis, benigniore Cælo & Astris afflatis, gratulemur.

### X V I I I.

Retenta autem plus æquo excreta *Menstrua*, ob stagnationem in Pus redigi, corrosiva fieri, subjectoque cui inhærent, maxime nocere posse, affirmamus; peculiari vero & contagioso tactu Animalia, Vegetabilia &c. inficere, negamus; nisi, ob concomitantem fortasse Veneream Luem foedi, teterrimique toxici virus sanguini, salivæ, sudoribus, aut Lymphæ approximantis communicetur.

### X I X.

De Uteri structura *Menstruorumque* dispositione hæc dicta sunt; pergamus ad *Disputationis* nostræ scopum, *suppressionis* sc. Signa, quæ, licet non unâ nec semper adsint, aliquæ tamen sequentium frequenter hunc demonstrant affectum.

### X X.

Hipp. Aphor. 39. S. 5. Si mulier, quæ nec præ-



„gnans , nec puerpera est, lac habet, ei *Menstrua*  
„defecerunt. Porro horrores cum calore, ardor circa  
lumbos, capitis dolor, faciei nunc rubor, nunc pal-  
lor, Palpitatio cordis, difficilis respiratio, oculorum  
tumescentia, spontanea lassitudo, cutis decoloratio,  
seu Chlorosis, tumores in ilibus cum inflammatione  
&c.

### X X I.

Hisce tamen Signis omnimodo & ubicunque fidem  
habere, *Menstruaque* restituere velle, minus cauti  
esset Medici: hæc quoniam, pro corporis habitu,  
ipsis sæpe prægnantibus accidunt Symptomata.

### X X I I.

Quo sub prætextu, furtivo concubitu compressas,  
de *Menstruorum* morbosâ *suppressione* conquerentes,  
Medicis indies imponere, testimonio egere non  
existimo.

### X X I I I.

Laudatiora tamen & probabiliora Signa gravidas ab  
non gestantibus distinguunt, hæc habentur. Hip-  
pocr. Aphor. 6. S. 5. Si mulieri purgationes non pro-  
„deant, neque horore, neque febre superveniente,  
„cibique fastidia ei accidant, prænantem esse pu-  
„tato.

### X X I V.

Pleraque in gravidis Symptomata indies mittiora  
fiunt, contrarium *suppressione* laborantibus. Addi  
posset



posset Foetus post tertium mensem ut plurimum motus, quod tamen signum, Embryonis ob imbecillitatem, non raro & matrem fefellit & Medicum: exploratum enim, ad quintum usque gestationis mensem, quasdam Prægnantes nullum Foetus sensisse motum, quidcirco, pro Molâ habitus, Diureticis aliisque menses promoventibus medicaminibus, per Abortum expulsi.

## X X V.

Signa quapropter *Deficientium* ob Molâ *Menstruorum* distinctiva à veri Embryonis imprægnatione ab experientissimis Medicis vulgo hæc habentur: ventris subitanea magis intumescencia, eaque præ totum ambitum, quum in vivo foetu vel circa Umbilicum alterutrumque elevetur latus. Onus majoris ponderis, tactuique facile cedens, Lactis veri in mammis defectus, motus quoque si aliqualis percipiatur, non ut à perfecto foetu per vices, ob membrorum articulationes, impulsivus. Signa quinetiam Tumorum OEdematoforum & Abscessum dextre considerata: illi quoniam *Menstruæ Evacuationis* & Ventris intumescentiæ possunt esse Causæ. Mulier igitur num gravida sit nec ne è Signis tumores ædematosos & abscessus concomitantibus patebit. Imprægnatæ aliis sunt hilariores, vividioris plerumque Coloris, os Uteri illis occlusum & durum, quod peritæ obstetricis exploratum digito, dolum illegitime gravidarum & ad *Mensium Suppressionem* tollendam remedia flagitantum, sæpius detexit.



## X X V I.

De *Menstruorum suppressionis* Prognosi exacte differere, in tam vasto Symptomatum Causarumque Oceano, non crediderim expeti, nec expectari: illa enim, pro *Retentionis* tempore, afflictarum statu, morborum incremento, medelæ successu &c. velle enumerare, nullis absolveretur numeris aut terminis: quis enim *Morbus Menstruorum* non antecedit vel sequitur *suppressionem*.

## X X V I I.

Quæ tamen hac de Prognosi Medicorum statuit: „Princeps, habet Aphor. 33. S. 5. inquit Mulieri *menstruis deficientibus* sanguis e naribus profluens bonum est. Respicit Auctor hic præsertim ad morbos Plethoram sequentes. Idem, ejusdem Sectionis Aph. 17. „*Menstruis* abundantibus morbi eveniunt: & „subsistentibus ab Utero morbi.

## X X V I I I.

De Symptomatibus aliquid addere necessarium non videtur; hæc quoniam cum Signis ferme sunt eadem.

## X X I X.

Proximo ordine recensendæ & explicandæ sese offerunt Causæ. Hæ sunt Externæ, vel Internæ. ad primam classem redigenda. Aër frigidus & nebulosus, quo Spirituum diminuitur requisitus motus.



Aëris quantum hic valeat temperies, inde clare perspectum, quod juxta regionis situm tardius vel celerius prorumpunt *Menstrua*. in Hispania, aliisque sub fervidiore Climate Plagis, virginibus, multo tenuioris ætatis, quam in nostris Septentrionalibus, hi sese produnt flores, Vegetabilium fere ad modum: Recte quocirca Hipp. lib. de Aër: loc. & Aq. Sciticis mulieribus lunares purgationes non contingere uti necesse est. Frigidum Sct. ob aërem sub quo degunt.

## X X X I.

Frigidorum quinetiam, terrestriumque nimius usus, quæ sanguinem reddentia pituitosum, libera ejus debitaque retardatur circulatio. addi & potest pedum, aliarumque corporis partium diuturnior in frigido mora, haud minus etiam subitanea frigori expositio, instantibus præsertim *Menstruis*. Validi Sudores, Ptyalismi, balnea, immoderatus sp. vini ac Aromaticum usus, sanguinem desiccando & inspissando, capillaria quominus tranare Vasa, impetuosoque propulsu per Oscula erumpere valet.

## X X X I I.

Immodica sanguinis effusio per vulnera, Venesectiones &c. quod satis ex Hipp. Aphorism 50. sect. 5. patet, quum inquit, „Mulieri si velis *Menstrua* sistere, cucurbitulas quam maximas ad mammas appone: pertinent huc, hæmorrhagiâ statis Periodis excreta *Menstrua*, per os, nares, oculos, cutim, po-



poplites , venas hæmorrhoidales ; manus quinetiam e pollice fluxisse , in nostræ familiæ inserviente sartrice vidimus. honestamque novimus matronam , cui per Papillas singulis Lunaribus periodis *Menstrua* profiliebant. Otium, somnus nimius, longa inedia, curæ, luctus & mæror diuturnus, subitaneus terror, lætitia, & quæcunque animi pathemata vehementiora: demum omnia, quæ sanguinem absumere, pituitosumque reddere valent, *impediti Menstrui fluxus* possunt esse Causæ Externæ.

### X X X I I I.

Internas quod spectat Causas, hæ sunt multiplices, quarum primarias recensuisse sufficiet. Uteri & Vagiux mala conformatio. Ut si E. g. Vasorum sanguiferorum extremitates ad interiorem Uteri non pertingant superficiem, vel pinguedine, adnata carne, callo, Scirro, cicatrice post Uteri exulcerationem, ut ex difficili partu tumore præternaturali, extremitates vasculorum in Utero desinentium claudente, ita ut sanguis in, seu per Uterum propelli nequeat.

### X X X I V.

Forte & *Menstruorum fluxus* ab non perforata membrana hymenè, aut, ut aliis placet nympharum coalitu seu extensione sufflari possit.

### X X X V.

Ex hisce omnibus, seu Externis, seu Internis Causis aliquæ sufficiunt justam sanguinis Crasin motumque



que pervertere eamque vitiosum reddere: Sanguinem enim in *Menstruorum suppressione*. Qualitate, non Quantitate, peccare existimo. Plethoram puram, mensium fluxum inhibere, ratiocinationi haud videtur consentaneum: Plethoricis quoniam frequentiores esse hasce evacuationes, abunde constat; imo bis una Lunari excerni periodo, nil familiarius.

## X X X V I.

Curationem quod attinet, illa, symptomatum proportionem & pondere adhibenda: hanc enim speciatim ab uniuscujusque indicantibus hic loci recensere, medicaminumque præscribere velle formulas, immensæ, nec hujus *Disputationis* spatio convenientis, foret operæ.

## X X X V I I.

Universalis itaque & specialis *Menstruorum Suppressionis* laborantibus opitulandi methodus è Praxi præstantissimorum Medicorum, ad experientias productâ, desumatur; symptomatum, causarum proximarum, vel remotarum natura ægrorumque statu, institutâ Curatione.

# F I N I S.



I N  
NICOLAI BIDLOÏ  
Lauream Doctorem.

*C*arminibus claro genitus Patre, & arte medendi,  
Ejusdem dudum artis amator,  
Fure suo, metam attingens, ambitque petitque  
Legitimos BIDLOÛS honores.

*Phoebe fave, Medicina tuum nam, Phoebe, repertum est,  
Et placido bonus adspice vultu,  
Qui studio sese Medico, qui tempora vitae,  
Et reliquos tibi consecrat annos.*

*Annuit, & Pindo laetum dedit omen ab alto,  
Venturi non vanus, Apollo.*

P. FRANCIVS.



*Ornatissimo Juveni*

NICOLAO BIDLOO,

Quum summos in Medicina  
honores adipisceretur.

*Vivida Paeonii soboles BIDLOË parentis,*

*Paeoniisque recens artibus ipse decus;*

*Accipe promeritam virtutibus, accipe laurum,*

*Digna Machoniis praemia temporibus.*

*Haec est illa tuis promissa laboribus olim,*

*Illa Dei primus virgo medentis amor.*

*Quae mutata semel, rursus mutetur oportet,*

*Inque tuis fiat querna corona comis.*

JANUS BROUKHUSIUS.



Gravissimae Fervor

NICOLAO BIDLOO

Quam summos in Medicina  
honores adhiberetur

Viride Terebinthaceae BIDLOO paravit

Paracelsus recte videtur ipse docere

Accipe promissionem reverentiam, accipe laudem

Dignis Mathematicis precibus supplicat

Hanc et illa tunc premissa habebant esse

Ille Dei primus regis magnus amor

Quae cuncta fecit, nullum negavit operis

Inque tunc fuit prima totius causa

IANUS BROUKHUSIUS